

## ¡BOMBA!

Para atraer inversiones,  
Quintana Roo ya vacila,  
Campeche al fondo de fila,  
y en Yucatán... ¡qué atenciones!



# K'uintsil

Martes 20 de agosto de 2024

CAMPECHE · YUCATÁN · QUINTANA ROO · AÑO 10 · NÚMERO 2302 · [www.lajornadamaya.mx](http://www.lajornadamaya.mx)



U xookil jaytúul ajmeyajo'ob ts'o'ok u kiimilo'ob yóok'olal ba'atelilo'ob ts'o'ok u yantal yóok'ol kaab le ja'ab máaniko' -maanal u chúumukile', tu jo'olaj káajak u ba'ateltáambalil Israel yéetel Hamás le 7 ti' octubre máaniko' - k'uch ti' le beyka'aj ma' yáax yanako', ts'o'oke' táan u tukulta'ale' te'el ja'aba' yaan u maas ya'abtal, a'alab tumen Naciones Unidas le lunes máanika'.

U kúuchil Oficina de Naciones Unidas para la Coordinación de Asuntos Humanitarios (OCHA, yóok'olal bix u k'aaba' ich inglés t'aane') tu ya'alaj ti' jump'éel soolmeyaj yóok'olal u kiinil Día Mundial de la Asistencia Humanitaria, yanchaj 280 u túul ajmeyajo'ob jkiimo'ob ti' 33 u p'éel noj lu'umo'ob tu ja'abil 2023, maanal ka'atéen ti' le 118 yanchaj ti' le ja'ab aanteso'.

U meyajnaalil ONU, Antonio Guterres, tu ts'ibtaj ti' X, najmal u chiimpolt'al ajmeyajo'ob kiinsa'an te'el ja'ab maas jach táaj k'aas u ti'alo'ob, ts'o'oke' tak le je'elo', mix táan u chúukpajal ti'al u nojba'alkúunsalo'ob.

"Sudán yéetel uláak' ya'abach noj lu'umo'obe', ku beeta'al K'aas ti' ajmeyajo'ob, ku kiinsa'alo'ob, ku loobilta'alo'ob wa ku yokolta'alo'ob. K-k'áatik ka yanak u je'ets'el u si'pil máaxo'ob beetik", tu ya'alaj máax jo'olbesik ONU.

Maanal 280 ajmeyajo'ob ts'o'ok u kiimil tu ba'ateltáambalil Gaza; walkila' oka'an tu lajunp'éel winal ba'atelil. U ya'abil ti' le je'elo'obo' palestinoilo'ob ku meyajo'ob Agencia de Naciones Unidas para los Refugiados de Palestina en Oriente Medio (UNRWA), je'el bix a'alab tumen OCHA.

**ONU ku k'a'aytik piit  
máanja'an jaytúul u meyaj  
máakilo'ob kiinsa'ab 2023,  
ts'o'oke' tu bin u ya'abtal  
te'el ja'aba'**

Ap / P 31  
Oochel Reuters